



Republika e Kosovës
Republika Kosova – Republic of Kosovo

Komuna e Prishtinës
Opština Priština –Municipality of Prishtina



Prishtinë, më 8 maj 2023

THIRRJE PUBLIKE PËR PËRKRAHJE FINANCIARE TË PROJEKTEVE TË OJQ-VE PËR SHËRBIME DIREKTE SOCIALE

Thirrje publike për ofrimin e përkrahjes financiare publike të projekteve të organizatave joqeveritare (OJQ-ve), që ofrojnë shërbime direkte për grupet e ndryshme të cenueshme dhe në nevojë në komunën e Prishtinës.

Drejtoria e Mirëqenies Sociale e Komunës së Prishtinës u bën thirrje të gjitha organizatave joqeveritare të regjistruara në Republikën e Kosovës, fushëveprimi i së cilave është i fokusuar në fushën e mbrojtjes sociale, ofrimin e shërbimeve familjare, hulumtimeve, analizave, ngritjen e kapaciteteve institucionale dhe të përkrahjes së grupeve të cenueshme dhe në nevojë për shërbime sociale profesionale e familjare, si në vijim:

- Të gjitha kategoritë e personave me aftësi të kufizuara;
- Fëmijët në situata të rënda sociale/pa përkujdesje prindërore dhe në rrezik për humbjen e përkujdesjes prindërore;
- Fëmijë të keqtrajtuar, në situatë rruge, të bullizuar/stigmatizuar, viktimë e krimit kibernetik;
- Viktima e krimit, dhunës në familje, trafikim me qenie njerëzore dhe krimeve seksuale;
- Të moshuarit në nevojë për përkujdesje sociale;
- Minoritetet etnike në përfshirje sociale;
- Komuniteti LGBTI+ në nevojë për përkrahje sociale;
- Përdoruesit e substancave psiko-aktive;
- Familjet në kushte të pafavorshme socio-ekonomike.

OJQ-të në përputhje me këtë thirrje publike, mund të aplikojnë me projektet e tyre për fushat prioritare në vijim:

- 1.0. Për personat me aftësi të kufizuara, projektet e të cilave duhet të jenë të dizajnuara, të garantojnë ndikim të drejtpërdrejtë në mirëqenien e tyre psiko-fizike, sociale dhe familjare. Këto projekte duhet të jenë të fokusuar në fushat si në vijim:**

- I. Projekte që ofrojnë shërbime të drejtpërdrejta sipas nevojave të secilës prej kategorive të personave me aftësi të kufizuara, të cilët nuk mund ta përballojnë koston e këtyre shërbimeve;
- II. Projekte të ndryshme që për qëllim kanë fuqizimin e pjesëtarëve të secilës prej kategorive të personave me aftësi të kufizuara;
- III. Projekte që ofrojnë shërbime direkte për ngritjen e shkathtësive dhe aftësive profesionale;
- IV. Projekte që ofrojnë shërbime dhe përkujdesje sociale me bazë në familje.

2.0. - Fëmijët në situata të rënda sociale/pa përkujdesje prindërore dhe në rrezik për humbjen e përkujdesjes prindërore; Të gjitha projektet duhet të jenë të dizajnuara që të garantojnë ndikim të drejtpërdrejtë në përmirësimin e mirëqenies së tyre. Këto projekte duhet jenë të fokusuar në fushat si në vijim:

- I. Projekte që ofrojnë mbështetje të drejtpërdrejtë të shërbimeve për familjet dhe fëmijët përmes strehimit rezidencial dhe strehim familjar brenda dhe jashtë familjes, përkrahjes psiko-sociale, aktiviteteve ditore, edukative dhe rekreative;
- II. Projekte të ndryshme që për qëllim kanë fuqizimin e fëmijëve në ngritjen e vetëdijes për të drejtat dhe respektimin e të drejtave të fëmijëve dhe kapaciteteve familjare dhe ndërfamiljare;
- III. Projekte të ndryshme në parandalimin e trafikimit me qenie njerëzore, keqtrajtimit, bullizimit dhe kërkim-lëmoshës;
- IV. Projekte që kanë për qëllim fuqizimin e prindërimit aktiv dhe pavarësisë nga dukuritë negative.

3.0. - Fëmijë të keqtrajtuar, në situatë rruge, të bullizuar/stigmatizuar, viktimë e krimit kibernetik;

- I. Projekte që ofrojnë mbështetje të drejtpërdrejtë të shërbimeve përmes strehimit, përkrahjes psiko-sociale, aktiviteteve ditore dhe rekreative;
- II. Projekte të ndryshme që për qëllim kanë fuqizimin e grave në ngritjen e vetëdijes për të drejtat dhe respektimin e të drejtave të gruas;
- III. Projekte të ndryshme në parandalimin e trafikimit me qenie njerëzore, keqtrajtimit, bullizimit dhe kërkim-lëmoshës;
- IV. Projekte të ndryshme në aftësimin dhe riaftësimin profesional të të rriturve, me theks të veçantë të gruas;
- V. Projekte që nxisin autonominë profesionale dhe riintegrimin e tyre, me theks të veçantë prindërit vetushqyes.

4.0. Për të moshuarit të gjitha projektet duhet të jenë të dizajnuara të garantojnë ndikim të drejtpërdrejtë tek pjesëtarët e kësaj kategorie. Këto projekte duhet jenë të fokusuar në fushat si në vijim:

- I. Projekte me karakter rekreativ që përfshijnë organizmin e aktiviteteve që fuqizojnë këtë kategori;
- II. Projekte që përfshijnë mbështetje në aspektin e shëndetit fizik e mendor për këtë kategori;
- III. Projekte që ofrojnë shërbime në shtëpi për të moshuarit nëpërmjet njësive mobile.

5.0. Për minoritetet etnike të gjitha projektet duhet të jenë të dizajnuara që të garantojnë ndikim të drejtpërdrejtë tek pjesëtarët e kësaj kategorie. Këto projekte duhet jenë të fokusuara në fushat si në vijim:

- I. Projekte që merren me çështje të edukimit, integritit, socializimit dhe fuqizimit të komuniteteve;
- II. Projekte që merren me aftësimin dhe riaftësimin profesional;

6.0. Për pjesëtarët e komunitetit LGBTI, të gjitha projektet duhet të jenë të dizajnuaratë që të garantojnë ndikim të drejtpërdrejtë. Këto projekte duhet të jenë të fokusuara në fushat si në vijim:

- I. Projekte që ofrojnë mbështetje psiko-sociale;
- II. Projekte që merren me aftësimin profesional dhe përfshirjen sociale;
- III. Projekte që ofrojnë mbështetje për viktimat e dhunës të kësaj kategorie.

7.0. Për përdoruesit e substancave narkotike, të gjitha projektet duhet të jenë të dizajnuara të garantojnë ndikim të drejtpërdrejtë tek pjesëtarët e kësaj kategorie. Këto projekte duhet jenë të fokusuara në fushat si në vijim:

- I. Projekte që për qëllim kanë ofrimin e shërbimeve të nevojshme psiko-sociale dhe mjekësore, me qëllim të parandalimit dhe largimit të përdorimit të substancave narkotike;
- II. Projekte që kanë për qëllim identifikimin e përdoruesve potencialë të substancave narkotike.

8.0. Për familjet me skemë të ndihmës sociale dhe me kushte të rënda socio-ekonomike, të gjitha projektet duhet të jenë të dizajnuara të garantojnë ndikim të drejtpërdrejtë tek pjesëtarët e kësaj kategorie. Këto projekte duhet jenë të fokusuara në fushat si në vijim:

- I. Projekte që merren me aspektin edukativ dhe rekreativ të fëmijëve;
- II. Programe që merren me fuqizimin e gruas/nënave vetushqyese/lehonave/viktimave të dhunës për krijimin e pavarësisë ekonomike dhe sociale;
- III. Projekte që merren me fuqizimin e relacioneve familjare dhe ndërfamiljare, mbështetje të shëndetit mendor dhe fizik të pjesëtarëve të kësaj kategorie;

- IV. Zhvillim të shkathtësive prindërore për kujdes të duhur ndaj fëmijëve;
 - V. Projekte që merren me përfshirjen sociale në jetën komunitare;
 - VI. Projekte që merren me aftësimin dhe riaftësimin profesional të pjesëtarëve të kësaj kategorie.
-

1. Vlera totale e planifikuar e thirrjes është **350,000.00€ (treqind e pesëdhjetë mijë euro)**.

Shuma minimale e mbështetjes financiare që mund të alokohet për çdo projekt individual është **500 € (pesëqind euro)** ndërsa shuma maksimale për një projekt është **15,000.00 € (pesëmbëdhjetë mijë euro)**.

2. Afati i fundit për dorëzimin e propozimeve është 15 ditë pune, gjegjësisht nga dt. **8.5.2023 deri më 29.5.2023, në orën 15:00.**

3. OJQ-të mund të aplikojnë vetëm me një projekt në kuadër të kësaj thirrjeje. Periudha e zbatimit të projektit është maksimumi 9 muaj (31 mars 2024).

4. Të drejtë aplikimi me projektet e tyre kanë OJQ-të që janë të regjistruara në regjistrin e organizatave jo-qeveritare në Republikën e Kosovës, të cilat veprojnë në komunën e Prishtinës së paku një vit para datës së publikimit të thirrjes publike. OJQ-të aplikuese duhet të dëshmojnë se programi i tyre i punës është i fokusuar në fushën mbrojtjes së grupeve si në vijim:

Të gjitha kategoritë e personave me aftësi të kufizuara, fëmijët në situata të rënda sociale/pa përkujdesje prindërore dhe në rrezik për humbjen e përkujdesjes prindërore, fëmijë të keqtrajtuar, në situatë rruge, të bullizuar/stigmatizuar, viktimë e krimit kibernetik, viktima e krimit, dhunës në familje, trafikim me qenie njerëzore dhe krimeve seksuale, të moshuarit në nevojë për përkujdesje sociale, minoritetet etnike në përfshirje sociale, komuniteti LGBTI+ në nevojë për përkrahje sociale, përdoruesit e substancave psiko-aktive dhe familjet në kushte të pafavorshme socio-ekonomike.

5. Propozimet do të dorëzohen vetëm në formularët e paraparë, të cilat së bashku me Udhëzimet për aplikantët, janë në dispozicion për shkarkim në faqen e internetit në linkun në vijim: <https://kk.rks-gov.net/prishtine/ose> <https://prishtinaonline.com/>.

6. Dokumentet e kompletuara duhet të dërgohen me postë ose personalisht, në adresën e mëposhtme:

Komuna e Prishtinës, Drejtoria e Mirëqenies Sociale

Rr. UÇK, nr. 2, 10000, Prishtinë

Qendra për shërbime me qytetarë

Kati përdhes, sporteli nr. 3

Procesi i pranimit, hapjes dhe shqyrtimit të aplikacioneve, vlerësimit të aplikacioneve, kontraktimi, dhënia e fondeve, koha dhe mënyra e parashtrimit të ankesave, trajtimi i dokumenteve dhe kalendari tregues i zbatimit të thirrjes, janë të detajuara në Udhëzimet për aplikuesit e thirrjes publike.

Do të konsiderohen për mbështetje financiare vetëm projektet që janë pranuar brenda afatit të paraparë me këtë thirrje publike, të cilat i përmbushin plotësisht kushtet e përcaktuara të thirrjes publike.

7. Të gjitha çështjet që lidhen me thirrjen publike mund të sqarohen vetëm në mënyrë elektronike, duke dërguar e-mail në adresën: Blerim.Shabani@rks-gov.net